

75

NO SOALAN : 38

**PEMBERITAHUAN PERTANYAAN MESYUARAT PERTAMA,**

**PENGGAL KEENAM, PARLIMEN KETIGA BELAS,**

**MAJLIS MESYUARAT DEWAN RAKYAT**

**PERTANYAAN : LISAN**

**DARIPADA : TUAN CHARLES ANTHONY  
SANTIAGO  
(KLANG)**

**TARIKH : 27.03.18  
(SELASA)**

**SOALAN:**

Minta **MENTERI PERTAHANAN** menyatakan sama ada Kerajaan bersedia untuk menarik balik anugerah tentera (military awards) yang telah diberi kepada Senior General Min Aung Hlaing di Myanmar yang terlibat dalam genocide berkait dengan masyarakat Rohingya.

77

**JAWAPAN:**

Tuan Yang di-Pertua,

Setakat ini, tiada cadangan daripada pihak Kementerian atau Angkatan Tentera Malaysia (ATM) untuk menarik balik penganugerahan pingat Panglima Gagah Angkatan Tentera (PGAT) Kehormat kepada Senior General Min Aung Hlaing yang telah diterima pada 1 Oktober 2013 dalam Istiadat Pengurniaan Darjah Kepahlawanan Angkatan Tentera Tahun 2013 di Istana Negara.

**SOALAN ( 39 )****PEMBERITAHUAN PERTANYAAN  
DEWAN RAKYAT, MALAYSIA**

PERTANYAAN : LISAN

TARIKH : 27 MAC 2018 [ SELASA]

DARIPADA : YB DATUK KHOO SOO SEANG  
[ TEBRAU ]

**SOALAN :-**

**YB DATUK KHOO SOO SEANG [ TEBRAU ]** minta **Menteri Kesejahteraan Bandar, Perumahan dan Kerajaan Tempatan** menyatakan sama ada usaha pengasingan sampah sarap untuk kitar semula berjaya mengurangkan isi padu sampah sarap sejak penguatkuasaan peraturan tersebut. Apakah usaha kerajaan selanjutnya.

**JAWAPAN :-**

Tuan Yang di-Pertua,

Untuk makluman Ahli Yang Berhormat, pelaksanaan penguatkuasaan Pengasingan Sisa Pepejal di Punca telah bermula pada 1 September 2015 secara serentak di 7 buah negeri yang menerima pakai Akta Pengurusan Sisa Pepejal dan Pembersihan Awam 2007 (Akta 672) iaitu Wilayah Persekutuan Kuala Lumpur dan Putrajaya, Johor, Melaka, Negeri Sembilan, Pahang, Kedah dan Perlis.

Penguatkuasaan ini antara lain bertujuan untuk mengurangkan jumlah sisa pepejal yang dihantar ke tapak pelupusan, meningkatkan kadar kitar semula negara, menjimatkan perbelanjaan pengurusan sisa pepejal, memelihara sumber alam semulajadi dan meningkatkan amalan 3R (Reduce, Reuse dan Recycle).

Hasil pelaksanaan Pengasingan Sisa Pepejal di Punca dan amalan 3R ini juga telah menyumbang kepada **peningkatan kadar kitar semula negara daripada 17.5% pada tahun 2016 kepada 21% pada tahun 2017.** Pencapaian ini adalah sejajar dengan sasaran kadar kitar semula negara yang baharu iaitu sebanyak 30% menjelang tahun 2020 (sasaran asal adalah 22%).

Kejayaan ini adalah hasil daripada pelbagai inisiatif yang telah dilaksanakan secara berterusan bagi menyemai sikap membudayakan amalan 3R meliputi pelbagai lapisan masyarakat. Program yang dilaksanakan secara bersepadu ini meliputi aktiviti-aktiviti berikut:

- a) Ceramah dan pameran;
- b) Program 3R di pra-sekolah dan tadika;
- c) Program 3R di sekolah;
- d) Program 3R di Institut Pengajian Tinggi (IPT);
- e) Program 3R di Komuniti;
- f) Program 3R di agensi kerajaan;
- g) Drive-Thru 3R; dan
- h) Program 3R bersama pihak industri.

Untuk makluman Ahli Yang Berhormat, Kerajaan akan terus memperkasakan program pengasingan sisa pepejal dan pengamalan 3R ini secara Strategi Lautan Biru Kebangsaan (NBOS) bersama agensi lain demi kesejahteraan bersama. Selaras dengan itu, Kementerian melalui SWCorp telah bekerjasama dengan Kementerian Pendidikan Malaysia (KPM), Jabatan Kemajuan Masyarakat (KEMAS), Jabatan Perpaduan Negara dan Integrasi Nasional (JPNIN) bagi melaksanakan Modul Pengajaran dan Pembelajaran Pengurusan Sisa Pepejal dan amalan 3R Merentas Kurikulum Prasekolah yang bertujuan untuk memberikan pendedahan terhadap pengurusan sisa pepejal yang betul bermula dari usia seawal 5 dan 6 tahun.

Kementerian juga akan memperluaskan lagi penguatkuasaan Pengasingan Sisa Pepejal di Punca dan 3R dalam sektor Industri, Komersial dan Institusi (ICI) serta di tapak projek bagi sisa binaan agar amalan ini dilaksanakan secara menyeluruh demi kelestarian alam sekitar.

**Kementerian Kesejahteraan Bandar,  
Perumahan dan Kerajaan Tempatan**

Mac 2018